



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

cap. 10. Capita Orationis mentalis.

**urn:nbn:de:hbz:466:1-9534**

optatum finem videmus; quapropter eam cum gratiarum Deo actione concludendam esse decernimus, & conclusam enunciamus.

25 Decretum futurę Synodi: quod fit in Prou. Mediolanensi.

Aliam præterea futuram Synodum indicimus iuxta Tridentinam sanctionem habendam anno sequenti.....die..... mensis..... nisi aliqua ex causa illam prorogari ad vos datis litteris, aliàs per edictum publicum intellexeritis.

26 Decretum de dimissione Synodi.

Ad laudem Dei omnipotentis Beatissimæque Virginis Mariæ, ac S.N. Patroni nostri, & aliorum nostrorum Promotorum decernimus Synodum dimissam: ac propterea cuique eundum esse ad proprias Ecclesias. Hortamur autem omnes vos, Fratres carissimi, vt tales vos præbeatis in ministerio vestro, quales maximè decet Sacerdoti ab omni mundanorum cura segregato: illudque maximè, cum redieritis præstandum erit, vt populus omnis vos ab hac Synodo non mediocrem fructum reportasse intelligat; id fiet, & nouo Spiritus Sancti lumine illustrati, quæ magna Synodorum est vis, ac virtus, cæteris in omni opere vestro in posterum præluere studueritis, & in omni parte officij vestri omnem diligentiam adhibueritis.

Hactenus Formulæ, & Decreta pro Secretario Synodi.

CAPITULA ORATIONIS  
*Mentalis in fine Sessionum. Cap. X.*

1 In fine primæ Sessionis. Orate.

*pro notas: fa, re,*

Fratres carissimi: *per notas: fa, mi, re, fa, fa.*  
*Sequentia cantantur sardius.*

**T**Oto corde conuersi ad Dominum, mentes ad cælum erigamus, & corporibus prostrati hæc deuote precemur, inuocatis SS. Patronis, & Protectoribus huius Diœcesis N.N. item SS. Martyribus NN. cum cæteris Beatis, quorum corpora quiescunt in hac Diœcesi. *terminatio fit per, fa, re.*

Orate intimo dolore, vt Dominus peccatorum vestrorum veniam vobis concedat, negligentijs indulgeat, ignorantia parcat, er-

rata omnia cumdoneat, quæ in Clericali disciplina, in officijs sacerdotalibus multiplici errore commisitistis. Intimo caritatis affectu singuli pro Reuerendissimo Episcopo, & omnibus, qui in hoc Clero continentur: idem orate, orate inuicem, vt saluemini. *terminatio fit semper, vt supra; & fit pausa per vnum, Miserere.*

Fratres carissimi: vnanimis perseverate in oratione, & petite à Patre misericordiarum, & Deo totius consolationis, quem credimus esse in medio huius sacri cœtus: petite Spiritus Sancti dona, vt post hac digne omnes ambulent vocatione, qua vocati sunt: vt Sacramenta digne ministrent, verbum Dei cum fructu prædicent: animas sollicitè curent; religiose viuant: in patientia possideant animas suas.

Fratres carissimi: vnanimis orate pro Sanctis. D. Nostro N. Papa..... Christi Vicario, vt Sanctam Ecclesiam sanctè gubernet cum Sacro Cardd. Collegio Orate pro S. Catholica, & Apostolica Eccl. Rom. toto orbe terrarum diffusa, vt eam Deus conseruet, defendat, augeat, exalter ad honorem, & gloriam suam.

2 In fine Secundæ Sessionis.

Fratres carissimi: vnanimis orate, vt bonum, quod in nobis à Reuerendissimo Antistite nostro, tam incenso charitatis studio, & officio requiritur, omnino, exequamur, vtque prompta cum eo sollicitudine gradiētes, dignè ambulemus vocatione, qua vocati sumus, omnique in opere bono crescentes, obediamus studijs Deo placitū orationū.

Fratres carissimi: orate pro Reuerendissimo Episcopo nostro N. vt diuino Spiritu illustratus, & roboratus, vnà cum suis adiutoribus, & cum grege suo consequatur vitam æternam.

Fratres carissimi: orate vnanimis Spiritum Dominum Messis huius, vt operarios mittat in messem suam, detque omnibus huius vineæ N. operarijs Spiritus Sancti ignem, ac lumen; demumque æternam mercedem.

*Vbi adest Prouincia loco primi capituli Orationis in 2. Sessione, dicatur.*

Fratres carissimi: vnanimis orate pro Prouincia N. pro Illustriss. Metropolitanis, & pro omnibus Prouinciæ Episcopis, vt sanctè regant Ecclesiam Dei: vt flagella, perturbaciones, contentiones errores omnes, & omnes aduersitates dignetur auertere, detque illis in tranquillitate, paceque sancta Ecclesias suas gubernare.

3 In



## In fine Tertie Sessionis.

Fratres carissimi: Orate toto cordis affectu pro Imperatore, (Rege nostro) Principibus, & Rectoribus temporalibus huius nostre Diocesis, ut cum pace, & salute comuni munus suum exequantur, recta semper sentiant, & operentur. Ecclesie defensores se præstent, & vitam sempiternam mereantur.

Fratres carissimi: orate vnanimes, ut Deus spiritum religiosæ obseruantie det omnibus viris regularibus huius Diocesis ad suam salutem, & adificationem populorum: omnibus item monialibus ad salutem suam, & aliorum.

Fratres carissimi: vnanimes orate pro cunctis populis huius Diocesis, ut Deus conseruet Sanctam Fidem Catholicam, peccata eliminat, augeat deuotionem, concedat abundantiam fructuum terræ, ad eorum felicitatem.

*Si quid occurrat tempore Synodi, pro quo specialiter sit orandum, ad datur capitibus predictis, quæ licet in tres dies sint distributa, possunt tamen vnoquoque die simul cantari, ut oretur eo triduo pro predictis omnibus.*

FORMULÆ ACCLAMATIONVM.  
Cap. XI.

**D**Eo Patri misericordiarum, & Deo totius consolationis, & gratiæ, omnis laus, honor, & gloria in secula seculorum.  
*terminatio fit per sa, re.*  
R. Amen. Amen. Amen.

*eodem modo fit terminatio, quo supra.*

Beatissimo D. Nostro N. Papa N. Sanctæ, & vniuersalis Ecclesie Pontifici, Christiani nominis in omnes terrarum partes propagatio, cunctarum gentium obedientia, pax vera, diuturna prosperitas.

R. Domine Deus sanctissimum patrem nostrum Ecclesie tue conserua, mitte illi auxilium de sancto, ut eo gubernante gentes omnes illuminentur, & quæ dispersæ sunt, in vnum Ecclesie tue ouile colligantur.

Reuerendissimo D. Episcopo nostro, huius Synodi Præsuli, eiusque ministris salutaris vigilantia, in laboribus constantia, & felix exitus.

R. Omnipotens Deus super Antistitem nostrum benedictionum tuarum dona perpetua multiplica.

N. Regi, & omnibus Principibus Christianis Catholicæ religionis zelus, iustitiæ, &

pacis fecunditas, & contra Christianæ fidei hostes victoria.

R. Princeps cœlestis, terrenos Principes Catholicæ fidei, æquitatis, & concordie conseruatores, atque hostium nostrorum examinatores castodi.

Ciuitati, & Diocesi N. Tranquillitas salus, & diuinarum gratiarum abundantia.

R. Benedic Domine filios tuos, & esto in circuitu populi tui ex hoc nunc, & vsque in seculum.

Decretorum huius Diocesis obseruantiam, salutarem, omnes, qui hic adsumus, vnanimi voto à Deo bonorum omnium largitore humiliter imploremus, intercedente Deipara Virgine Maria Domina nostra, cum Beatissimis Apostolis Petro, & Paulo, & Beatissimis Patronis nostris N. N. & omnibus Sanctis.

R. Fiat, Fiat: Amen. Amen.

## 2. Alia Formula Salernitana, præcationum, &amp; acclamationum simul.

*Sacerdos.*

Oremus pro Beatissimo Papa nostro N.

*Chorus respondet.*

Dominus conseruet eum, & viuificet eum, & beatum faciat eum in terra, & non tradat eum in manibus inimicorum eius.

*Sacerdos.*

Oremus. Deus omnium fidelium pastor, &c. Amen.

*Sacerdos.*

Oremus pro Reuerendissimo N. huius Ecclesie Episcopo vigilantissimo.

*Chorus.*

Saluum fac seruum tuum, Deus meus, sperantem in te, mitte ei auxilium de sancto, & de Sion tuere eum.

*Sacerdos.*

Oremus. Deus, qui licet sis magnus in magnis, mirabilia tamen gloriosus operaris in minimis, concede N. famulo tuo Antistiti nostro, sacris conuenienter seruire mysterijs, atque in omnibus tua misericordia protegat, quem Pastoralis cura perterret. Per Christum Dominum nostrum.

R. Amen.

*Sacerdos.*

Oremus pro omnibus Presbyteris, Diaconis, Subdiaconis, Acolythis, Exorcistis, Lectoribus, Ostiarijs, & Clericis, atque pro omnibus, qui in hanc Synodum conuenerunt.

*Chorus.*

Memento congregationis tue domine quam possedisti ab initio.

*Sacerdos.*

Oremus. Omnipotens sempiternæ Deus, cuius